

an Beeren von dem Myrrenbaum vergleichen/ vnd
an den 4. Ecken / oder Winkeln sinus pudoris gele-
sind / in welche sich der Rote & Onig in Veneris
Spiel hinein schwinget / zusammen gesetzt. Diese
vier stücklein Fleisches werden mit vieren Fleischech-
ten Häutlein / deren jede zwischen obgedachte fleische
läplein gelegen / zusammen gefüget. Hieraus sehen
wir / daß gedachte productio oder daß Jungfräw-
liche Schloß / dieweiles von vier sonderlichen stück-
lein Fleisches / vnd von / auch so viel sonderlichen
Häutlein zusammen gesetzt / gleichsam als ein Kegel
gespizet ist / wol vnd mit Recht dem Hals an den
lieblichen Rosen / so sich etwas oder halb von einan-
der gebreitet / mag verglichen werden / daher wir den
auch das Jungfräwliche Schloß billich eine Blum /
vnd Jungfräwliche Rose nennen / welche so sie ganz /
vnd unversehret / die vollkommene liebliche vube-
fleckte reine Jungfräwschafft an Tag giebet / vnd ist
gantz vnndötig / ja auch vnbesonnen / wann etliche
vber dieses / ein andre Art / vñ Warzeichen der Jung-
fräwschafft suchen wollen / denn es alles / so hieher
vor von diesem / vnd dieser vnserer Meynung zu
wieder geschrieben / erdicht / falsch / vnd der Wahrheit
entgegen.

Jedoch aber ist allhie fleißig in achtung zuneh-
men / das gedachte Stücklein Fleisch es / wie auch die
Häute